

Visoki predstavnik Inzko sastao se s predstavnicima Srpskog građanskog vijeća

Visoki predstavnik Valentin Inzko sastao se danas u Sarajevu sa delegacijom Srpskog građanskog vijeća, uključujući i novog predsjednika ove organizacije Sretka Radušića.

“U Bosni i Hercegovini ne nedostaje građana sa vizijom oslobođenom od nacionalizma i čvrsto utemeljenom u najboljim idealima Evrope,” rekao je visoki predstavnik.

Ističući da proces povratka još uvijek nije završen, visoki predstavnik je dodao da je osiguravanje održivosti povratka u cijeloj BiH jedan od njegovih osnovnih prioriteta te jedna od ključnih obaveza vlasti u oba entiteta, u skladu sa Daytonskim mirovnim sporazumom.

Visoki predstavnik je također pozdravio aktivnosti i mjere Srpskog građanskog vijeća u cilju reintegracije zajednica u BiH, te je izrazio pohvale SGV-u zbog nastojanja da se očuva ravnopravnost svih građana u cijeloj BiH.

“Jasno je da politički zastoj nije donio nikakve koristi građanima BiH: Srbima, Bošnjacima ili Hrvatima,” izjavio je visoki predstavnik. “Obični građani dijele iste probleme i imaju iste ciljeve. Sada politički lideri moraju ponuditi zajedničku viziju,” naglasio je Inzko.